

КАФИСМА СЕДЬМАЯ

¹ В конѣц, о сынех Кореовых,
псалом 46

² Все языцы восплещѣте руками, воскликните Богу гласом радования. ³ Яко Господь Вышний страшен, Царь велий по всей земли. ⁴ Покорѣи люди нам и языки под нѣги наша: ⁵ избрѣ нам достояние Свое, доброту Иаковлю, юже возлюбѣи. ⁶ Взыде Бог в воскликновѣнии, Господь во гласѣ трубне. ⁷ Пойте Богу нашему, пойте, пойте Царевѣ нашему, пойте. ⁸ Яко Царь всея земли Бог, пойте разумно. ⁹ Воцарѣся Бог над языки, Бог сѣдит на Престолѣ святѣм Своем. ¹⁰ Князи людстии собрѣшася с Богом Авраамлим. Яко Божии державнии земли зело вознесѣшася.

¹ Псалом, песни сынов Кореовых,
вторыя субботы, 47

² Велий Господь и хвален зело во граде Бога нашего, в горѣ святѣй Его. ³ Благокорѣнным радованием всея земли: горы Сионския, ребра северова, град Царя Великаго. ⁴ Бог в тяжестех его знаѣмь есть, егда заступѣет ѣ. ⁵ Яко се царѣ зѣмстии собрѣшася, снисѣшася вкупе. ⁶ Тѣи видевше тако, удивѣшася, смятѣшася, подвигѣшася. ⁷ Трѣпет прият я: тамо болѣзни яко раждающия. ⁸ Духом бурным сокрушиши кораблѣ Фарсийския. ⁹ Якоже слышахом, тако и видѣхом во граде Господа сил, во граде Бога нашего, Бог основа ѣ в век. ¹⁰ Прияхом, Боже, милость Твою посреде людей Твоих. ¹¹ По имени Твоему, Боже, тако и хвала Твоя на концах земли, правды исполнь десница Твоя. ¹² Да возвеселѣтся гора Сионская и да возрадуются дщѣри Иудѣйския судѣб ради Твоих, Господи. ¹³ Обыдите Сион и обымѣте его, повѣдите в столпѣх его. ¹⁴ Положите сердца ваша в силу Его и разделѣте дѣмы Его, яко да повѣсте в роде инѣм. ¹⁵ Яко Той есть Бог наш во век и в век века, Той упасѣт нас во веки.

**¹ В конец, сыном Кореовым,
псалом 48**

² Услышите сия вси языцы, внушите вси живущии по вселенней: ³ земнороднии же и сынове человечести, вкупе богат и убог. ⁴ Уста моя возглаголют премудрость, и поучение сердца моего разум. ⁵ Приклоню в притчу ухо мое, отверзу во псалтири ганаение мое. ⁶ Вскую боюся, в день лют? Беззаконие пяты моея обыдет мя. ⁷ Надеющийся на силу свою и о множестве богатства своего хвалящийся, ⁸ брат не избавит, избавит ли человек? Не даст Богу измены за ся, ⁹ и цену избавления души своея, и утрудися в век. ¹⁰ И жив будет до конца, не узрит пагубы. ¹¹ Егда увидит премудрыя умирающыя, вкупе безумен и несмыслен погибнут и оставят чуждым богатство свое. ¹² И гроби их жилища их во век, селения их в род и род, нарекоша имена своя на землях. ¹³ И человек в чести сый не разуме, приложися скотом несмысленным и уподобися им. ¹⁴ Сей путь их соблазн им, и по сих во устех своих благоволят. ¹⁵ Яко овцы во аде положени суть, смерть упасет я, и обладают ими правии заутра, и помощь их обещает во аде, от славы своея изриновени быша. ¹⁶ Обаче Бог избавит душу мою из руки адовы, егда приеъмлет мя. ¹⁷ Не убойся, егда разбогатееет человек или егда умножится слава дому его: ¹⁸ яко внегда умрети ему, не возмет вся, ниже снидет с ним слава его. ¹⁹ Яко душа его в животe его благословится: исповестся Тебе, егда благосотвориши ему. ²⁰ Внидет даже до рода отец своих, даже до века не узрит света. ²¹ И человек в чести сый не разуме, приложися скотом несмысленным и уподобися им.

Слава:

Псалом Асафу, 49

¹ Бог богов Господь глагола и призва землю от восток солнца до запад. ² От Сиона благолепие красоты Его. ³ Бог яве приидет, Бог наш, и не премолчит: огонь пред Ним возгорится, и окрест Его буря зельна. ⁴ Призовет Небо свыше и землю разсудити люди Своя. ⁵ Соберите Ему преподобныя Его,

завещающыя завет Его о жертвах. ⁶ И возвестят небеса правду Его, яко Бог судия есть. ⁷ Услышите, людие мой, и возглаголю вам, Израилю, и засвидетельствую тебе: Бог, Бог твой есмь Аз. ⁸ Не о жертвах твоих обличу тебя, всесожжения же Твоя предо Мною суть вина. ⁹ Не приму от дому Твоего тельцов, ниже от стада твоих козлов. ¹⁰ Яко мой суть вси зверие дубравнии, скоти в горах и волове. ¹¹ Познах вся птицы небесныя, и красота сельная со Мною есть. ¹² Аще взалчу, не реку тебе: Моя бо есть вселенная и исполнение ея. ¹³ Еда ям мяса юнча или кровь козлов пию? ¹⁴ Пожри Богу жертву хвалы и воздаждь Вышнему молитвы Твоя. ¹⁵ И призови Мя в день скорби твоея, и изму тебя, и прославиши Мя. ¹⁶ Грешнику же рече Бог: вскую ты поведаеши оправдания Моя и восприемлещи завет Мой усты твоими? ¹⁷ Ты же возненавидел еси наказание и отвергл еси словеса Моя вспять. ¹⁸ Аще видел еси татя, текл еси с ним, и с прелюбодеем участие твое полагал еси. ¹⁹ Уста Твоя умножиша злобу, и язык твой сплеташе льщения. ²⁰ Седя, на брата твоего клеветал еси и на сына матери твоея полагал еси соблазн. ²¹ Сия сотворил еси и умолчах, вознепщевал еси беззаконие, яко буду тебе подобен. Обличу тебя и представлю пред лицом твоим грехи Твоя. ²² Разумейте убо сия, забывающии Бога, да не когда похитит, и не будет избавляяй. ²³ Жертва хвалы прославит Мя, и тамо путь, имже явлю ему спасение Моё.

¹ В конец, псалом Давиду, внегда
внити к нему Нафану пророку,
² егда вниде к Вирсавии,
жене Уриеве, 50

³ Помилуй мя, Боже, по велицей милости Твоей, и по множеству щедрот Твоих очисти беззаконие мое. ⁴ Наипаче омый мя от беззакония моего, и от греха моего очисти мя. ⁵ Яко беззаконие мое аз знаю и грех мой предо мною есть вина. ⁶ Тебе Единому согреших, и лукавое пред Тобою сотворих, яко да оправдишися во словесах Твоих и победиши, внегда судити Ти. ⁷ Се бо в беззакониих зачат есмь, и во гресех роди мя

мáти моя. ⁸ Се бо íстину возлюбíл еси́, безвѣстная и та́йная премудрости Твоея́ явил ми еси́. ⁹ Окропиши мя иссо́пом, и очищуся, омы́еши мя, и па́че снѣга убелю́ся. ¹⁰ Слу́ху моему́ да́си ра́дость и весѣлие, возра́дуются ко́сти смире́нныя. ¹¹ Отврати́ лице́ Твое́ от грех мои́х, и вся беззаконія моя́ очисти. ¹² Сѣрдце ч́исто сози́жди во мне, Бо́же, и дух прав обнови́ во утробе мое́й. ¹³ Не отвержи мене́ от лица́ Твоего́, и Ду́ха Твоего́ Свята́го не отыми́ от мене́. ¹⁴ Возда́ждь ми ра́дость спасѣния Твоего́, и Ду́хом Влады́чним утверди́ мя. ¹⁵ Научу́ беззаконныя путе́м Твои́м, и нечестивии к Тебе́ обратят́ся. ¹⁶ Избáви мя от крове́й, Бо́же, Бо́же спасѣния моего́, возра́дуется язы́к мой правде Твоей. ¹⁷ Го́споди, устне́ мои́ отверзеши, и уста́ моя́ возвестят́ хвалу́ Твою́. ¹⁸ Яко́ аще бы восхотѣл еси́ жѣртвы, дал бых́ у́бо, всесожжѣния не благоволи́ши. ¹⁹ Жѣртва Бо́гу дух сокруше́н, сѣрдце сокруше́нно и смире́нно Бог не уничижи́т. ²⁰ Ублажи́, Го́споди, благоволе́нием Твои́м Сио́на, и да сози́ждутся стѣны́ Иерусали́мския. ²¹ тогда́ благоволи́ши жѣртву правды, возноше́ние и всесожега́емая: тогда́ возложат́ на олта́рь Твой тельцы́.

Слава:

¹ В конѣц, разу́ма Дави́ду,
² внегда́ приити́ Дои́ку Идуме́йску,
и возвестити́ Сау́лу,
и рещи́ ему́: прииде́ Дави́д
в дом Авимелѣхов, 51

³ Что хва́лишися во зло́бе, си́льне? Беззаконіе весь день. ⁴ Неправду́ умы́сли язы́к твой, я́ко бритву́ изошре́ну сотвори́л еси́ лесть. ⁵ Возлюбил еси́ злобу́ па́че благосты́ни, неправду́ не́же глаго́лати правду́. ⁶ Возлюбил еси́ вся глаго́лы потопны́я, язы́к льстив. ⁷ Сего́ ра́ди Бог разруши́т тя до конца́, востор́гнет тя, и пресели́т тя от селѣния твоего́ и ко́рень твой от земли́ живы́х. ⁸ Узрят праведнии и убоят́ся, и о нем возсмею́тся и реку́т: ⁹ се человек, и́же не положи́ Бо́га Помо́щника себе́, но упова́ на мно́жество бога́тства своего́, и возмо́же суѣтою́ своею́. ¹⁰ Аз же́ я́ко ма́слина плодови́та в дому́ Бо́жии, упова́х на ми́лость

Бóжию во век и в век вéка. ¹¹ Исповémся Тебé во век, яко сотворíл еси́, и терплю́ и́мя Твое, яко благо пред преподóбными Твои́ми.

¹ В конéц, о Маелефе, разума
Давиду, 52

² Речé безúмен в сёрдце своём: несть Бог, растлéша и омерзíшася в беззакóниих, несть творя́й благоé. ³ Бог с Небесé принíче на сы́ны человéческа, вíдети, áще есть разумева́й или́ взыска́й Бóга? ⁴ Всеи уклонíшася, вку́пе непотрéбни бы́ша, несть творя́й благоé, несть до едíнаго. ⁵ Ни ли уразуме́ют всеи дéлающии беззакóние, снеда́ющии лю́ди моя́ в снeдь хлéба, Гóспода не призвáша. ⁶ Тáмо устраши́шася стра́ха, иде́же не бе страх, яко Бог разсы́па кóсти човекоугодников: постыдéшася, яко Бог уничи́жи их. ⁷ Кто даст от Сиóна спасéние Изра́илево? Внегда́ возвратíт Бог пленéние людéй Свои́х, возра́дуется Иа́ков и возвеселíтся Изра́иль.

¹ В конéц, в пéснях рáзума Давиду,
² внегда́ приити́ Зифéем,
и рещи́ Сау́лови:
не сé ли Давíд скры́ся в нас; 53

³ Бóже, во имя Твое спаси́ мя, и в сiле Твоей суди́ ми. ⁴ Бóже, услы́ши молíтву мою́, внуши́ глагóлы уст мои́х. ⁵ Яко чужди́и востáша на мя и крeпцыи взыска́ша дúшу мою́, и не предложíша Бóга пред собо́ю. ⁶ Се бо Бог помога́ет ми, и Госпóдь Застúпник души́ мое́й. ⁷ Отвратíт злáя врагóм моим, и́стиною Твоéю потребí их. ⁸ Волею пожру́ Тебé, исповémся и́мени Твоeму́, Гóсподи, яко благо, ⁹ яко от вся́кия печáли избáвил мя еси́, и на враги́ моя́ воззрé óко моe.

¹ В конéц, в песнях рáзума Асафу,
псалом 54

² Внуши́, Бóже, молíтву мою́ и не прeзри молéния моего́. ³ Вонми́ ми и услы́ши мя: возскорбéх печáлию моeю́ и смятóхся.

⁴ От гласа вражия и от стужения грешника, яко уклониша на мя беззаконие и во гнѣве враждоваху ми. ⁵ Сердце мое смятѣся во мне и боязнь смѣрти нападе на мя. ⁶ Страх и трѣпет прииде на мя и покры мя тьма. ⁷ И рех: кто даст ми криле, яко голубине? И полещу, и почию? ⁸ Се удалихся бѣгая и водворихся в пустыни. ⁹ Чаях Бога, спасающаго мя от малодушия и от бури. ¹⁰ Потопи, Господи, и раздели языки их: яко видех беззаконие и пререкание во граде. ¹¹ Днем и ночью обыдет и по стенам его. Беззаконие и труд посреде его и неправда. ¹² И не оскуде от стогн его лихва и леть. ¹³ Яко аще бы враг поносил ми, претерпел бых убо, и аще бы ненавидяй мя на мя велеречевал, укрыл бых ся от него. ¹⁴ Ты же, человеце равнодушне, владыко мой и знаемый мой, ¹⁵ иже купно наслаждался еси со мною брашен, в дому Божии ходихом единомышлением. ¹⁶ Да придет же смерть на ня, и да снудут во ад живи, яко лукавство в жилищах их, посреде их. ¹⁷ Аз к Богу възвах, и Господь услыша мя. ¹⁸ Вѣчер и заутра, и полудне повем, и возвещу, и услышит глас мой. ¹⁹ Избавит миром душу мою от приближающихся мне, яко во мнозе бяху со мною. ²⁰ Услышит Бог и смирит я, Сый прежде век. Несть бо им изменения, яко не убояшася Бога. ²¹ Простре руку свою на воздаяние, оскверниша завет Его. ²² Разделишася от гнѣва лица Его, и приближишася сердца их, умякнуша словеса их паче елеа, и та суть стрѣлы. ²³ Возверзи на Господа печаль твою, и Той тя препитает, не даст в век молвы праведнику. ²⁴ Ты же, Боже, низведѣши их во студенец истления, мужие кровей и льсти не преполовят дней своих. Аз же, Господи, уповаю на Тя.

Слава:

По 7-й кафисме, Трисвятое.

Таже тропари, глас 5: Судий сидящему, и Ангелом стоящим, трубѣ гласящей, пламени горящу, что сотвориши, душе моя, ведома на суд? тогда бо лютая Твоя предстанут, и тайная обличатся согрешения. Темже прежде конца возопий судий: Боже, очисти мя и спаси мя.

Слава: Все побдим, и Христа усрящим со множеством елеа и свещами светлыми, яко да чертога внутрь сподобимся, иже бо

вне дверей постигнувый, бездельно Бóгови воззовет: помилуй мя.

И ныне: На одре лежя согрешений мно́гих, окрадаемь есмь в наде́жди спасения моего́, ибо сон моея́ лѣности ходатайствует души́ мое́й му́ку. Но Ты, Бóже, рождѣйся от Дѣвы, воздвигни мя к Твоему́ пѣнию, да сла́влю Тя.

Гóсподи, Помилуй (40) и молитва:

Гóсподи, Бóже мой, яко Благ и Человеколюбец, мно́гия мѣлости сотворил еси́ со мно́ю, яже не чаях видети, и что воздам Твоей блага́ости, Гóсподи мой, Гóсподи? Благодарю́ Твое многопѣтое и́мя, благодарю́ Твое неисповедимое на мне благоутрѣбие, благодарю́ безприкладное Твое долготерпѣние. И отны́не заступи́, и помози́ мне, и покрый́ мя, Влады́ко, от всех, е́же не ктому́ согрешати пред Тобо́ю: Ты бо вѣси естества́ моего́ удобоползновенное, Ты вѣси безумие мое́, Ты вѣси мно́ю содея́нная, яже в ведении и не в ведении, яже во́льная и нево́льная, яже в но́щи и во дни, и во уме́, и мысли, яко Благубо и Человеколюбец Бог, очисти́ я росо́ю мѣлости Твоея́, Преблагий Гóсподи, и спаси́ нас и́мене ра́ди Твоего́ свята́го, и́миже вѣси судьба́ми. Ты бо еси́ Свет и Истина, и Живот, и Тебе́ сла́ву возсыла́ем, Отцу и Сыну и Святому́ Духу, ныне и прѣсно и во ве́ки веко́в, аминь.